

**«ՔԱՂԱՔԱՑԻԱԿԱՆ ԵՎ ԾԱՌԱՅՈՂԱԿԱՆ ՉԵՆՔԻ  
ԱՐՏԱԴՐՈՒԹՅԱՆ, ԱՌԵՎՏՐԻ, ՀՐԱՁԳԱՐԱՆԻ  
ԳՈՐԾԱՐԿՄԱՆ ԼԻՑԵՆԶԻԱՆԵՐ ՈՒՆԵՑՈՂ  
ԻՐԱՎԱԲԱՆԱԿԱՆ ԱՆՁԱՆՑ, ՌԱԶՄԱՄԱՐԶԱԿԱՆ ԵՎ  
ՍՊՈՐՏԱՅԻՆ ՀՐԱՁԳՈՒԹՅԱՆ  
ԿԱԶՄԱԿԵՐՊՈՒԹՅՈՒՆՆԵՐԻ ԿՈՂՄԻՑ  
ՔԱՂԱՔԱՑԻԱԿԱՆ ԱԿՈՍԱՓՈՂ ԵՎ ՈՂՈՐԿԱՓՈՂ  
ՀՐԱԶԵՆԻ ՓԱՍՓՈՒՇՏՆԵՐԻ ԼԻՑՔԱՎՈՐՈՒՄ  
ԿԱՏԱՐԵԼՈՒ ԿԱՐԳԸ ՍԱՀՄԱՆԵԼՈՒ ՄԱՍԻՆ»  
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ  
ՈՐՈՇՄԱՆ ՆԱԽԱԳԻԾ**

**ՆԱԽԱԳԻԾ**

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ**

**Ո Ր Ո Շ ՈՒ Մ**

**ԹԻՎ \_\_\_\_\_-Ն**

**ՔԱՂԱՔԱՑԻԱԿԱՆ ԵՎ ԾԱՌԱՅՈՂԱԿԱՆ ՉԵՆՔԻ ԱՐՏԱԴՐՈՒԹՅԱՆ, ԱՌԵՎՏՐԻ,  
ՀՐԱՁԳԱՐԱՆԻ ԳՈՐԾԱՐԿՄԱՆ ԼԻՑԵՆԶԻԱՆԵՐ ՈՒՆԵՑՈՂ ԻՐԱՎԱԲԱՆԱԿԱՆ  
ԱՆՁԱՆՑ, ՌԱԶՄԱՄԱՐԶԱԿԱՆ ԵՎ ՍՊՈՐՏԱՅԻՆ ՀՐԱՁԳՈՒԹՅԱՆ  
ԿԱԶՄԱԿԵՐՊՈՒԹՅՈՒՆՆԵՐԻ ԿՈՂՄԻՑ ՔԱՂԱՔԱՑԻԱԿԱՆ ԱԿՈՍԱՓՈՂ ԵՎ  
ՈՂՈՐԿԱՓՈՂ ՀՐԱԶԵՆԻ ՓԱՍՓՈՒՇՏՆԵՐԻ ԼԻՑՔԱՎՈՐՈՒՄ ԿԱՏԱՐԵԼՈՒ ԿԱՐԳԸ  
ՍԱՀՄԱՆԵԼՈՒ ՄԱՍԻՆ**

Հիմք ընդունելով «Չենքի շրջանառության կարգավորման մասին» օրենքի  
«Չենքի շրջանառության կարգավորման մասին» օրենքի 25-րդ հոդվածի 10-րդ  
մասը՝ Հայաստանի Հանրապետության կառավարությունը որոշում է.

1. Հաստատել քաղաքացիական և ծառայողական զենքի արտադրության,  
առևտրի, հրաձգարանի գործարկման լիցենզիաներ ունեցող իրավաբանական  
անձանց, ռազմամարզական և սպորտային հրաձգության  
կազմակերպությունների կողմից քաղաքացիական ակոսափող և ողորկափող  
հրազենի փամփուշտների լիցքավորում կատարելու կարգը՝ համաձայն  
հավելվածի:

2. Սույն որոշումն ուժի մեջ մտնելուց հետո, եռամսյա ժամկետում,  
կազմակերպել քաղաքացիական և ծառայողական զենքի արտադրության,

առևտրի, հրաձգարանի գործարկման լիցենզիաներ ունեցող իրավաբանական անձանց, ռազմամարզական և սպորտային հրաձգության կազմակերպությունների կողմից քաղաքացիական ակոսափող և ողորկափող հրազենի փամփուշտների լիցքավորման համապատասխանության գնահատման գործընթացի համապատասխանությունը Հայաստանի Հանրապետության օրենսդրությանը:

3. Սույն որոշումն ուժի մեջ է մտնում «Ձեռքի շրջանառության կարգավորման մասին» օրենքի ուժի մեջ մտնելու օրը:

## **ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ**

### **ՎԱՐՉԱԴԵՏ**

**Ն. ՓԱՇԻՆՅԱՆ**

**ք. Երևան**

**Հավելված**

**ՀՀ կառավարության 2023 թվականի \_\_\_\_\_ թիվ \_\_ Ն**

**որոշման**

### **ԿԱՐԳ**

**ՔԱՂԱՔԱՑԻԱԿԱՆ ԵՎ ԾԱՌԱՅՈՂԱԿԱՆ ՁԵՆՔԻ ԱՐՏԱԴՐՈՒԹՅԱՆ, ԱՌԵՎՏՐԻ, ՀՐԱՁԳԱՐԱՆԻ ԳՈՐԾԱՐԿՄԱՆ ԼԻՑԵՆԶԻԱՆԵՐ ՈՒՆԵՑՈՂ ԻՐԱՎԱԲԱՆԱԿԱՆ ԱՆՁԱՆՑ, ՈԱՉՄԱՍԱՐՉԱԿԱՆ ԵՎ ՍՊՈՐՏԱՅԻՆ ՀՐԱՁԳՈՒԹՅԱՆ ԿԱՉՄԱԿԵՐՊՈՒԹՅՈՒՆՆԵՐԻ ԿՈՂՄԻՑ ՔԱՂԱՔԱՑԻԱԿԱՆ ԱԿՈՍԱՓՈՂ ԵՎ ՈՂՈՐԿԱՓՈՂ ՀՐԱՁԵՆԻ ՓԱՍՓՈՒՇՏՆԵՐԻ ԼԻՑՔԱՎՈՐՈՒՄ ԿԱՏԱՐԵԼՈՒ**

### **I. ԸՆԴՀԱՆՈՒՐ ԴՐՈՒՅԹՆԵՐ**

1. Սույն կարգով սահմանվում են քաղաքացիական և ծառայողական զենքի արտադրության, առևտրի, հրաձգարանի գործարկման լիցենզիաներ ունեցող

իրավաբանական անձանց, ռազմամարզական և սպորտային հրաձգության կազմակերպությունների (այսուհետ՝ լիցքավորող կազմակերպություն) կողմից քաղաքացիական ակոսափող և ողորկափող հրազենի փամփուլտների լիցքավորում կատարելու գործընթացը, ներկայացվող պարտադիր պահանջներն ու պայմանները:

2. Քաղաքացիական ակոսափող և ողորկափող հրազենի փամփուլտների լիցքավորումն (այսուհետ՝ փամփուլտների լիցքավորում) իր մեջ ներառում է՝ լիցքավորվող փամփուլտների բաղկացուցիչ մասերի ներմուծումը, բաղկացուցիչ մասերի պիտանիության հետազոտումը, փամփուլտների լիցքավորումը, փորձարկումը:

3. Փամփուլտների լիցքավորումը պետք է համապատասխանի քաղաքացիական ակոսափող և ողորկափող հրազենի փամփուլտների տվյալ տեսակի և տրամաչափի պատրաստման համար նախատեսված՝ գործարանային արտադրության պայմաններին: Լիցքավորված փամփուլտները պետք է հստակ ունենան իրենց տարբերակիչ դրոշմվածքները (լիցքավորող կազմակերպության կամ գործարանի ծածկագրերը, լիցքավորման տարեթիվը), ինչպես նաև համապատասխան փորձարկումների արդյունքում հաստատված տեխնիկական բնութագրերը:

4. Լիցքավորված փամփուլտները պետք է պարտադիր համապատասխանեն սահմանված չափորոշիչներով ընդունված տեխնիկական բնութագրերին: Տեխնիկական բնութագրերին չհամապատասխանող լիցքավորված փամփուլտների արտադրությունը Հայաստանի Հանրապետության տարածքում արգելվում է:

5. Քաղաքացիական ակոսափող և ողորկափող հրազենի փամփուլտների լիցքավորման որակական հատկանիշների, դրանց անվտանգային պահանջների, ինչպես նաև լիցքավորման ենթակա փամփուլտների տեխնիկական բնութագրերի համապատասխանության պատասխանատվությունը կրում է լիցքավող կազմակերպությունը:

6. Սույն կարգը չի տարածվում անձնական օգտագործման նպատակով քաղաքացիական ողորկափող հրազենի փամփուլտների լիցքավորման հետ կապված հարաբերությունների վրա, որը կարող է կատարել զենքը տնօրինողը՝ զենք պահելու և կրելու թույլտվության առկայության դեպքում:

## **II. ԲԱՂԱՔԱՑԻԱԿԱՆ ԱԿՈՍԱՓՈՂ ԵՎ ՈՂՈՐԿԱՓՈՂ ՀՐԱԶԵՆԻ ՓԱՄՓՈՒՇՆՆԵՐԻ ԼԻՑՔԱՎՈՐՄԱՆԸ ՎԵՐԱԲԵՐՈՂ ՊԱՅՄԱՆՆԵՐՆ ՈՒ ՊԱՀԱՆՁՆԵՐԸ**

7. Լիցքավորող կազմակերպությունները պարտավոր են ապահովել օրենքով սահմանված՝ փամփուլտների արտադրման համար նախատեսված զետեղարաններին, պահոցներին, պահեստներին և առևտրի սրահներին ներկայացվող պահանջները:

8. Լիցքավորող կազմակերպությունները փամփուլտների լիցքավորման գործընթացն սկսելուց առաջ մեկամսյա ժամկետում պարտավոր են

անհրաժեշտ տեղեկություններ ներկայացնել Հայաստանի Հանրապետության ներքին գործերի նախարարության ոստիկանություն (այսուհետ՝ Ոստիկանություն)՝ նշելով լիցքավորող կազմակերպության անվանումը, նրա կողմից փամփուլշտների լիցքավորում կատարելու փաստը և փամփուլշտների լիցքավորում կատարելու վայրը՝ հետագայում Հայաստանի Հանրապետությունում քաղաքացիական և ծառայողական զենքի արտադրության, առևտրի, հրաձգարանի գործարկման լիցենզիաներ չունեցող, ռազմամարզական և սպորտային հրաձգության կազմակերպություններ չհանդիսացող այլ կազմակերպությունների կողմից փամփուլշտների լիցքավորման հանգամանքը բացառելու նպատակով:

9. Լիցքավորող կազմակերպությունները պարտավոր են տվյալ գործունեությունն իրականացնել միայն իրենց կողմից Ոստիկանությանը տեղեկացրած վայրում: Նշված գործունեությունն իրականացնելու վայրի փոփոխության դեպքում անհրաժեշտ է անհապաղ տեղյակ պահել Ոստիկանությանը:

10. Արգելվում է փամփուլշտների լիցքավորման ընթացքում օգտագործել նախկինում կրակված (զենքի կրակման հետքեր կրող, զենքի մեջ լիցքավորված կամ լիցքաթափված) փամփուլշտների կամ դրանց բաղկացուցիչ մասերի (պարկուճ, գնդակ, հրապատիճ, մանրագնդակ և այլն) օգտագործումը:

11. Ելնելով պետության և հասարակության շահերի պաշտպանության անհրաժեշտությունից՝ քաղաքացիական ակոսափող և ողորկափող հրազենի փամփուլշտների լիցքավորման արտադրությամբ զբաղվող իրավաբանական անձինք պարտավոր են ապահովել հետևյալ պայմանները և պահանջները՝

1) փամփուլշտների լիցքավորման տարածքում ունենալ պահեստային շինություններ, զինասենյակներ, փորձարկման լաբորատորիաներ, լիցքավորված փամփուլշտների նպատակային նշանակությունը և պիտանիությունը ստուգող (փորձարարական կրակման նպատակով օգտագործվող)՝ փորձարարական հրաձգարան, խոտանի մեկուսարաններ և համապատասխան պահարաններ, որոնց անհրաժեշտությունը և թիվը որոշվում են՝ ելնելով լիցքավորվող փամփուլշտների արտադրական հզորությունից, տեխնիկական առաջարկությունից ու պայմաններից, ինչպես նաև պատրաստման տեխնոլոգիայից.

2) փամփուլշտների լիցքավորման տարածքի մուտքերը պետք է ունենան մետաղահսկիչ սարքավորումներ, անվտանգության համակարգեր, ազդանշանային սարքավորումներ.

3) փամփուլշտների լիցքավորման տարածքի պատուհանները, ելքային և մուտքային տեղամասերը, հրավտանգ և առավել հրավտանգ տեղամասերը պետք է կառուցված լինեն հրդեհային անվտանգության կանոնների խստագույնս պահպանմամբ.

4) փամփուլշտների լիցքավորման տարածքները, շենքերն ու շինությունները պետք է լինեն առանձնացված և բնակելի, պետական, հասարակական և արտադրական շենքերից գտնվեն առնվազն՝ 500 մետր հեռավորության վրա:

